

φρόνιστος τῆς σοφίας. οὐδὲ χείρο γάρ ἐστιν (ἢ) A quā sapientia, deterior. Circa detēriōra enim versatur: quandoquidem sapientia circa æternum, diuinūmque, ut diximus, cum prudentia de hominis sit commodo. Quare si quod detēritus virtus est: æquum etiam fuerit, quod melius est, esse virtutem. Non dubium igitur, quin sapientia sit virtus. Quid est autem, seu circa quod industria sive intelligētia? Est nempe industria, in quibus & prudentia, circa ea quæ sub actionem cadunt. Industrius siquidem sive intelligētia dicitur, quatenus consulere rectè aliquid, indicare, ac perspicere potuerit, circa pusilla in pusillijsq; eius iudicium est. Igitur industria atque industrius, prudentia, & prudentis pars: nec circa hæc. Neque enim industrium à prudēte separaueris. Idem profecto & in astutia existimandum est. Nam astutia & asturus non est quidem prudentia, neque prudēt: veruntamen prudens astutus ideo astutia adiuuat quodam modo prudentiam. Ceterū astutus etiam malus dicitur: quemadmodum Mentor astutus quidem fuisse vi-sus est, non etiam prudens. Prudentis nāque, & prudentia est, optima expetere, cāque semper sibi proponere atque actitate: at astutia, & astuti fuerit, cōiectare ex quibūnam demum sīnt singula, quæ sub actionem cadunt, eāque sibi parare. Astutus igitur in huiusmodi, ac circa talia esse videatur. Dubitauerit quispiam, & admirari potuerit, quod loquentes de morib; dēque ciuili negotio, de sapientia dicamus. Nempe quia primū quidem de hac re non videatur esse aliena consideratio, si (ut diximus) est virtus. Itē philosophi est, de iis omnibus vel obiter tractare quæ in eodem fuerint. At necessarium, cum de his quæ in anima loquimur, de omnibus dicere. Atqui est in anima sapientia, proinde alienum non fuerit de anima quoque dicere. Quemadmodum vero habet astutia ad prudentiam, ita de cunctis virtutibus haberi putandum est: velut, inquam, sunt virtutes, quæ naturā sunt singulis ingenitæ, tanquam impulsus quidam ad fortia, ac iusta, in vnoquoque citra rationem: neconon de singulis erga eiusmodi possis cognoscere. Sunt autem tam consuetudine, quām consilio. At quæ cum ratione sunt, veluti temperantia, aut fortitudo, quatenus sunt virtutes vt ingenitæ, laudabiles. Naturalis igitur virtus ea quæ citra rationem, à ratione separata parua est, & quæ laudatione digna nequaquam sit, rationi & consilio adiuncta perfectam efficit virtutem;